

Prognostication, et amples Prédicions, pour l'an de Jésus Christ, mil cinq cens soixante-sept. An Embolismal. À Monseigneur François Duc d'Alençon. Par Mi de Nostradamus A Paris. Par Guillaume de Nyverd.

CF. B. UOLFENBUTTEL (RFA) - HERZOG AUGUST BIBLIOTHEK :

10617 POL - GBV, Union Catalog Northern Germany Wolfenbüttel, Herzog-August-Bibliothek Call number: A: 106.17 Pol. (17)

BENAZRA Pag 78 CHOMARAT 73

PROGNOSTI
CATION, ET AMPLES
Predictions, pour l'an de Iesus Christ,
mil cinq cens soixante-sept.

An Embolismal.

A MONSEIGNEUR
Francois Duc d'Alencon.

PAR MI DE NOSTRADAMVS

*La forterace Bazanée
Veut ouvrir les portes d'arsens:
Mais vne heureuse destinée
Rompt le fil de son vain dessein.*



A PARIS,
Par Guillaume de Nyverd, Imprimeur & Libraire,
AVEC PRIVILEGE DV ROY.

EXTRACT DV PRIVILEGE
du Roy.

Il est permis à Guillaume de Nyverd, Imprimeur & Libraire à Paris, d'Imprimer & exposer en vente, ceste presente Prognostication de MI. DE NOSTRADAMVS. pour l'an mil cinq cens soixante-sept Avec defenses à tous de l'imprimer, n'exposer en vente, en quelque forme & maniere que ce soit, n'en extraire aucune chose, ny contrefaire le signe de l'auteur, & ne faire pocher, ny tailler nulle des histoires estant en icelle, iusques à deux ans, Sur les peines contenues es lettres du privilege Royal. Données à Paris le dernier iour d'Aoust. 1566. Ainsi signé.

*Par le Conseil. Le Chandelier.
Et scellé du scel dudit seigneur,
Sur simple queüe, de Cire iaune.*



A TRES-HAVLT, TRES-EXCEL-
lent, tres-vertueux & Magnanime
Prince, monseigneur François
Duc d'Alencon, frere du
Roy tres-chrestien no-
stre souuerain, tres-
cher & naturel
Seigneur,

Son tres-humble subiect, Salut.

MONSEIGNEUR, le de-
sir que i'ay de vous rendre un
tesmoignage de l'humble volun-
té & obeïssance que i'ay à vo-
tre service, m'a dōné la hardiessse, presenter
à vos piedz & vous dedier encore le re-
cueil des Predictions, Prognostications &
Presages de ceste Année, mil cinq cens soi-
a ij

xcante-sept, que le discours & de ma-
raison a faitz & la cognoissance des Astres
qu'il a pleu à celuy qui les tient en sa main
m'en departir, ie ne suis pas ignorant que ie
donne assez de loisir à plusieurs de calomnier
le debuoir cōme chose qui semble du premier
vol aucunement contraire à la pieté Chre-
stienne, qui nous oblige & commande de re-
mettre toutes noz œures & actions en la
puissance, volonté & disposition du crea-
teur, sans trop curieusement s'emquerir des
choses futures, consideré que beaucoup ou
d'affronteurs & ignorans, ou bien quelques
uns out reschellās les termes d'Astrologie, se
meslēt d'escrire choses aduenir outre l'expres
commandement de Dieu, ce que icy ie n'ay
voulu faire, ny marcher à leur traict, &
pour me garantir & y faire veoir tout le
monde à seureté, ie ne vous offre, Monsei-
gneur, chose que plusieurs theologiens & sca-
uantz personages n'ayent bien & soigneu-
sement recherché & espluché: & est bien à

noter qu'il y a beaucoup de difference entre ceux qui entreprennent par quelque damnable artifice ou sort la prediction des choses futures, d'autant qu'ils sont criminelz de lese maiesté diuine, d'entreprēdre & auācer le pas sur la puissance & authorité que le pere celeste en son priuē cōseil s'est reseruē, & que les Anges mesmes y sont auenglez, Et entre ceux qui se bornant à la celeste Volonté mesurent leur eniambée au compas de la cognoissāce qu'ils ont du mouuement d'enhault, auquel toutes choses inferieures cōme à choses secondes & agentes soubs la premiere, rendent obeissance & sont subgettes, Et pour-ce que ie me reuge avec ceux cy, imitant Ruth, suyuant les moissonneurs, c'est adire les Philosophes & Astrologues, au champ desquelz pleī de labeur, i'ay cueilly quelques espicz, & le fruct de diuerses escritures, les iugementz des conionctions, des Planettes, des Eclipses & passiōs des Estoiles errantes, qui ne se font point sans certaines ou bien inclinante presi-

guration, I'oze biē dire que peu de gens trou-
ueront icy à quoy employer leur mesdisance,
principalement ou ilz se voudront tant de
bien d'ex aminer ce que Aristote dit, que les
effetz naturelz & volontaires ont leurs
principes des corps celestes & que ce monde
inferieur (cōme un clou attaché au nauire)
aussi attaché au superieur ne represente au-
tre chose que ce qui se voit au miroir du ciel,
l'on ne veut pas nyer pourtāt le liberal arbi-
tre des hommes, mais il faut donner le lieu
& l'hōneur à l'Astrologie, qu'elle merite, en
quoy ie m'estonne qu'au iour d'huy elle est si
vilipendée, que ceux qui en font profession
seruent plustost de fable aux hommes que
d'autre chose. Je diroys volontiers que c'est
la malice du temps, puisque anciēnement les
Astronomes estoient en telle reputation, que
deuāt tous autres ils estoient eleuz au gouuer-
nal des choses temporelles, les Lacedemoniēs
au sacre de leur Roy pour sa conduite luy
donnoient un Astrologue, afin que rien ne

señtrefist par sa Maiesté sans l'ētre mise & conseil de luy, Et les Perses faisoient plus: car iamais n'estoient Roy qui ne fust instruit es Arts liberaux, & qu'il ne fust grand Mathematicien, Et si nous descendōs plus bas, Romulus ne print il pas augure du ciel pour l'establissement de son Royaume, Et depuis luy les (ōsuls &) Prestres ont tenu leur religion & autorité, suyuant les cours des Planettes, & par-ce moyen regnoient en hōneur & enuoyoit tous les ans six enfans nobles en Ethrurie pour apprēdre les Mathematiques. Il fault dōc se resoudre en ceste opinō q̄ la partie la plus necessaire pour la vie des hōmes entre les sciences humaines, c'est ceste sainte & diuine Astrologie, qui nous enseigne par les mouuemens des corps superieurs, les changements des temps & euēnemens des choses probablement. Et pource que nous sommes formez à l'image du createur, auquel nous nous debuons conformer autant qu'il est à nous possible, & nous dres-

ser noz esles hors de terre, pour ne ressembler
aux bestes qui ne voyent (comme dit Cice-
ron) que ce qui est deuant leurs piedz. le moy-
en que Dieu luy mesme nous a donné pour
ce faire, & pour ressembler à luy naturelle-
ment, sont les *Mathemates*, lesquelles si
nous mesprisons, il semble que nous soyons
aussi en intention de mespriser celuy de la li-
beralité duquel elles partent. Je laisse à part
l'Utilité qu'elles nous apporiet pour nous gar-
der des encōbriers qui nous talōnēt, ausquel-
les si i'ay fait quelque profit par le passé, je ne
le veux auouer pour miē, & en veux fai-
re part à tout le monde sous vostre faueur,
Monsieur, vous vouant d'oresnauant
tout le dessein de mō esprit cōme i'ay fait par
cy deuant dés l'An mil cinq cens Soixante-
cinq, auāt mesme la confirmation en la foy
de nostre Dieu, commutatio de vostre nom,
qui semble promettre quelque grand & sin-
gulier euenement à vostre prosperité, laquel-
le de long temps prend un acheminement
merueilleux

merueilleux selō la beneuolence des Astres:
ce que i'ay quelque fois touché en mes predi-
ctions, nō souz le nō de Maistre Michel de
nostre Dame, de Salon de Craux en Prouē-
ce, conseiller & medecin ordinaire de la sa-
crée maiesté du Roy vostre frere, mais bien
souz le nom de *MI. DE NOSTRA-
DAMVS.* qui n'ay point honte de m'a-
nouër son disciple, & soubs la main duquel
i'ay esté cōduit à la cognoissance de plusieurs
choses celestes, & pour le faire profiter &
n'estre ingrat de son bien reccu, à son imita-
tion, mesmes de son viuāt i'en ay mis en lu-
miere, qu'il a trouuez telz qu'apres sa mort
soyēt du bō tesmoignage de luy, ie ne lairray
à tenir les mesmes voiles, sil plaist à Dieu,
auquel ie prie accroistre vostre ieunesse en
ses dōs & ses graces autāt que vous desire.

mi. de nostradamus. 

*LA DISPOSITION DE
L'année, mil cinq cens Soixante-
sept, An Embolismal.*

A Pres auoir tout considéré, & fait ex-
trait de la plus part des constellati-
ons futures d'icelle Année, mil cinq cēs
soixante-sept. Nous trouuōs les choses
terrestres & inferieures incliner & estre
disposées à ce qui ensuyt: sauf le souue-
rain iugement de Dieu, qui peut par sa
saincte misericorde diuertir les effectz
& constellations celestes à la priere &
deuote requeste d'vn chacun bon chre-
stien, Par tant en icelluy nous mettrons
nostre appuy par prieres que nous luy
adresserons, & à la glorieuse vierge
Marie & a tous les saintz & saintes de
Paradis, Al'intercession desquelz nous
croirons pouuoir obtenir ce qui nous
est necessaire en ceste pauure vie mor-
telle. En premier lieu le Printemps sera

assez bien attrempé & profitable à tous biens terriens qui en terre croissent, l'Esté sera assez souple & bien assaisonné : car il ne sera ne trop chaud ne trop froid. L'Automne sera moite & veteux dés que le Soleil sera entré au signe de Scorpius, Il fera mauuais hanter sur la mer, La saiso de L'iuier sera moult froide, & sera grāds neiges, to⁹ ceux qui bledz auront & autres grains, qu'ilz les vendent, & en facent debit le plustost qu'ils pourrōt, & ferōt leur profit, & de les garder leur grād dommage: car tous grains qui en terre seront en ceste année, aurōt bōne venue en tous païs: dequoy il cōuiendra que les biens terriens apresēt en vente viennēt à basse vente. En ceste Année les vins prestz à boire seront biens chers. Qui vins aura si les vende au commencement du Printemps si fera que sage, & son grand profit. En l'Esté le sel sera de grād requeste

& à peu d'aquest, mais toutesfois salines aurõt grand' requeste: il s'en fera bõ garnir, car en liuer on en gastera assez par l'exploite des salines. on fera mauuaise emploite de laines: car toute draperie abaissera grandement dès que l'Automne sera venu, Marchandise de cuirs fera bon achepter au commencement de l'Année car en l'Esté elle sera bien requise, mais en iuer abaisseront tous cuirs & en sera grãde plâté, les taintures seront de grand requeste. En ceste Anné y aura assez de bons foins, d'auoines, pois, feues & de toutes sortes de menus grains. L'iuier sera profitable à tous grains grener, & aux auoynes meurir, & si sera le grain bon. En ceste Année seront les vins de France & de beauuoisin bons, & porteront grand aquest à tous ceux qui les acheteront au commencement des vendanges, car ce seront les vins que l'on boira les plus vo-

l'inters, tant qu'ilz pourront durer, les vins de Poictou porteront mauuais acquest en ceste Année, car tous vins abesferont en tous païs, vers la fin de l'iuier. Il sera grand abondance de foins en plusieurs païs, il sera peu de harenc vers la coste de Flãdres, le bestial sera mal requis, vers la fin de l'Esté, si tiendrõt peu de gens compte d'en nourrir, vers la fin de l'iuier abaisserrõt bestes portans laines en tous païs. En Automne & iuer de ceste année sera l'emploicte profitable d'acheter grains, car le petit grain dont le corps d'homme peult vser, montera à grand' cherté à l'Année que l'on dira mil cinq cēs soixãte-huit, AN DE BISSEXTE.

*BRIEF SOMMAIRE DE
l'Eclipse de Soleil, & de la totalite de
l'Année en general.*

EN ceste presente Année, Le ix. iour d'Auril, enuiron le midy on verra chose merueillable au ciel que possible

n'a esté veu depuis le tēps de Iesuschrift, à cause d'une grande Éclipse de Soleil qui saparoistra, dōt les effetz d'icelle cōmencent en la saison d'Automne de la presente année, & finiront sur la fin de l'An mil cinq cens soixāte-neuf, nous aurons de grādes secheresses, de vehemētes chaleurs, & pour-ce grand' cherté de viures, de fortes guerres, de grands ébrasemés & depeuplemens de villes, l'estat des capitaines & des gens d'armes sera calamiteux, Il n'a esté Éclipse si dāgereuse ne tant à craindre, depuis l'an mil cinq cens quarante-quatre & n'en sera de lōg temps vne si horrible, icelle Éclipse apparoiſtra à quelques vns de l'Europe en la maison 9. & à quelques autres en la 10. au païs de ceux qui l'auront receü en la 9. grandes mutations aduendront en la religion, aucuns principaux de l'Église mourrōt ou seront maltraitez: mais au païs de ceux qui l'aurōt veü

en la 10. ce changement & trouble se fera en l'estat politique, de sorte que non les prestres, mais plustost les seculiers principaux & de marque, comme les mieux versez en la discipline militaire tumberont en grand danger de mort, & de grands mōstres naisteront. outre ce, plusieurs fieures tierces, fluxiōs de sang, maladies aiguës, morts de iunes hommes, violences, iniures, rapines brulemens, homicides, vents en l'air excessiuelement chaulds, pestiferes & cōtagieux, foudres, tēpestes, & grand' secheresse, dōt les biens de la terre seront grandemēt interessez, auant que estre recueillis, ou apres qu'ils auront esté serrez en grenier. En ceste année mil cinq cens soixante-sept & en l'an mil cinq cens soixante-huiēt on verra des Comettes, des Estoilles, & des Impressions fort estranges en l'air, qui feront cogiter aux hommes de grandes choses aduenir. Dieu sur tout.

PRODIGIEUX ET AMPLES
presages de l'Année, mil cinq cens
Soixante-sept, An Embolismal.

I A N V I E R,

a xxxj iour, Et la Lune xxx.

Il commence le Mercredy.

Le iour a huit heures, & la nuit seize.

L'ombre d'un Saturne outragée

Avec un Cyclope enfumé

Voudra que d'un Ire enragée

Le Colosse soit consumé.

S V Y V A N T l'eternel mouuement
des Astres & corps celestes, & selon
que plusieurs experimentez en l'Astro-
logie ont laissé par escript, N o u s trou-
uons le dernier quartier, restant de la
Lune precedente de l'an passé, mil cinq
cens soixante-six, estre le Ieudy deux-
iesme iour à huit heures du matī, au 23.
degré du signe de Libra, masculin, occi-
dental & mobile, de la nature de l'air,
sanguin & de saueur douce. Qui nous
signifie, avec le planete Venus, estre le
temps

temps plus enclin à vents & obscurité, tempere & couuert, froid & humide. Ioye, allegresse & resioissance entre les âtiques, l'asseuré ne se pourra assurer, les nouvelle ne seront pour rien esinues: du grand aux infimes complaints, les prieres secrettes de long temps serôt manifestées, le plus prochin s'esloignera & se tiendra le plus profondement, tout autrement sera & se fera que l'on n'uoit entrepris.

Nouuelle Lune sera le Ieudy neuhiesme iour à dix heures 11. minutes du matin, au 18. degré du signe de Capricorn^o, feminin, meridional & mobile, de la nature de la terre, melécholique, & de saueur aigre. Qui nous signifie, avec la planette de Saturne, auoir le tēps plus enclin à froidure & humidité, & cause gelée. La religion chrestienne à grādissime preparatiō de augment, & reduictz seront aucuns grāds poinctz enuers les regions Germaniques que seront des ligns fort droictes, le fait sera longuement ignoré, deux des accords allumera le feu, & l'autre qui totalement le voudra esteindre & sera priué d'icelle peine, ou il ne salumera pour lors.

Premier quartier sera le Vendredy dix-septiesme iour à six heures du matin au 26. degré du signe d'Aries, oriental, masculin & mobile, de la nature du feu, de cholere aduste, & de saueur amere. Qui nous signifie, avec la planette de Mars, estre le temps plus enclin à temperature, muable & de mauuaise tempeste. Le tēple de Ianus sera fermé, & puis ouuert, les ferrures & serrures: mais sera pour d'icy quād naistera de trois testes le monstre qui est bien plus long que l'on ne

penſe, & de la proximité ie n'en veulx nullemēt parler ny eſcrire, ce que bien ie pourrois faire : mais de le manifefter, tous ne le trouueroient bon. Dieu par ſa grace face que Mars demeure ſi longuement empriſonné qu'il ſine ſes iours en ſa captiuité.

Pleine Lune ſera le Vendredy vingt-quatriefme iour à dix heures 37. minutes du ſoir, au 7. degré du ſigne de Leo, maſculin, oriental, & fixe, de la nature du feu, de cholere aduſte, & de ſaucur amere. Qui nous ſignifie, avec la planette de Sol, auoir le temps plus enclin à tēperature, ſec & froid, par fois humide, avec beau temps. Les longues oreilles murmureront, le tout ou la plus part ſera amitiguée, la religion chreſtienne à meilleure voye.

Dernier quartier ſera le Vendredy trent-vnieſme iour à deux heures du matin, au 14. degré du ſigne de Scorpius, feminin, ſeptentrional & fixe, de la nature de l'eau, ſlegmatique, & de ſaucur ſalée. Qui nous ſignifie, avec la planette de Mars, eſtre le temps plus enclin à pluyes & en froidure maleuole. Le ſiecle d'or ſe cōmencera à renouueller, mais le nombre de cinq n'y ſera iuſques à la parfin compris, ſe repentant que ne aura fait ce que l'occafion ne ſ'y preſentera plus, & ſe trouuera deſtitué des latins, puis par le moys d'Auril ſera paracheué ce que par longs ans n'a eſté compris.

F E V R I E R,

a xxviiij iours, Et la Lune xxix.

Il commence le Samedy.

Le iour a dix heures, & la nuit xiiij.

*Le contre felon de leurrage
Ecumant vn' Até despité
Par la pluye d'vn doux courage
Assopira son aconite.*

Nouuelle Lune sera le Samedi huitiesme iour à cinq heures 15. minutes du matin, au 21. degré du signe d'Aquarius, masculin, occidental & fixe, de la nature de l'air, sanguin, & de faueur douce. Qui nous signifie, avec la planete de Saturne, auoir le temps plus enclin a vents, froid, maleuole, neiges & froidures grandes. Mort d'aucuns des plus grands, ou empeschemens de maladie, & seröt tristesses exigues, meslées avec ioyes grandes, presque incomparables.

Premier quartier sera le Dimanche seiziesme iour à trois heures du soir, au 3. degré du signe de Gemini, masculin, occidental & commun, de la nature de l'air, sanguin, & de faueur douce. Qui nous signifie, avec la planete de mercure, estre le tēps plus enclin à gelée & vents, tēperé & aucuns iours muable. Dans ceste Lune tout ce qui auoit esté arresté, decreté, & prononcé par droit, ou nō droit, icy sera tout réuersé dessus deslous.

Pleine Lune sera le Samedi vingt-deuxiesme iour à dix heures 2. minutes du matin, au 0. degré du signe de Virgo, feminin, meridional & cōmun, de la nature de la terre, melācholique, & de faueur aigre. Qui nō signifie, avec la planete de Mercure, auoir le temps plus enclin à humidité, obscurité, muable & vents. Pour election de predicateur seront faictes comme guerres ciuiles & intestines, puis à la parfin sera reduite à la parfaicte verité de ce qu'il appartiendra.

Il y en aura bien de trompez quelon pensera l'un & fera l'autre.

M A R S,

a xxxj iour, et la Lune xxx.

Il commence le Samedy.

Le iour a douze heures, & la nuit xij.

*Le grand Turban d'un infidele
Acerant sa flote au combat,
Sape, mine, assault & combat
Le mout qui vomit estincele.*

D Etmier quartier sera le Dimanche deuxiesme iour a huit heures du soir, au 17. degré du signe de Sagittarius, masculin, oriétal & cōmun, de la nature du feu, de cholere aduste, & de saueur amere. Qui nous signifie, avec la planette de Iupiter, estre le temps plus enclin à vents & humide, & quelque peu beau en chaleur. Les reumes seront en grandissime abondance & mal de gorge, & pleuresies, douleurs de teste, catharres, suffocations, apoplexies.

Nouvelle Lune sera le Lundy dixiesme iour à huit heures 3 minutes du soir, au 24. degré du signe de Pisces, feminin, septentrional & cōmun, de la nature de l'eau, flegmatique & de saueur salée. Qui nous signifie, avec la planette de Iupiter, auoir le temps plus enclin à secheresse avec bruines le matin, & pluyes par aucuns iours avec chaleur, & cause tonnoirre. Ce que les Edirz consulaires auront decreté & accordé ne tiendra, du milieu de son entreprise sera dechassé & changé, non sans grand' tumulte. Ceux qui pense-

ront estre bien asseurez, & du plus petit iusques au plus grand, par nouveaux estatz & offices, & encores plus pour causes des morts, que le viuât ne sera remis au lieu du mort,

Premier quartier sera le Lundy dix-septiesme iour à douze heures du soir, au 28. degré du signe de Gemini, masculin, occidental & commun, de la nature de l'air, sanguin, & de saueur douce. Qui nous signifie, avec la planette de Mercure, estre le temps plus enclin à secheresse & vents, & de nature temperée, & aucús iours muable. Les grands Monarques prendront cõseil, deliberation, decreter ensemble quelque hault & sublime fait pour la pacification du regne, & pour laugmentation de la religion Chrestienne.

Pleine Lune sera le Lundy vingt-quatriesme iour à huit heures, 44. minutes du soir, au 7. degré du signe de Libra, masculin, occidental & mobile de la nature de l'air, sanguin & de saueur douce. Qui nous signifie, avec la planette de Venus, auoir le temps plus enclin à vents & obscurité temperé & couuert, froid & pluuieux, Il s'accordera vn point bien grand par le plus supresme, fait arresté par la grande assemblée.

AVRIL,

a xxx. iours, et la Lune xxix.

Il commence le Mardy.

Le iour a xiiij. heures, & la nuit dix.

*Le Scorpion ioinct au Mauors
Menasse vn grand de son venin*

Mais lors quelque influant destin

Romptra par son heur ses effortz.

Dernier quartier sera le Mardy premier iour à quatre heures du soir, au 19. degré du signe de Capricornus, féminin, meridional & mobile de la nature de la terre, melécholique, & de saueur aigre. Qui nous signifie, avec la planette de Saturne, estre le tēps plus enclin à froidures & humidité, avec bruines & secheresse. Ceux qui longuement ont esté à repos par la deliurance de Mars, machineront d'opprimer. **OMNE SCELERE.** telz que Dolaberta auoit fait en Asie, à la parfin ne leur en prendra pas bien.

Nouvelle lune (eclipsée) sera le mardy huitiesme iour à dix heures 19, mi. du matin, au 16. degré du signe d'Aries, oriental, masculin & mobile, de la nature du feu, de cholere aduste, & de saueur amere. Qui no^o signifie, avec la planette de Mars, auoir le temps plus enclin à temperature & muable, chault & sec & de mauuaise tempeste, l'Eclipse sera de Soleil, & fort grāde, qui s'aparoistra le prochain iour (quant à ce climat) & à semblable heure, & sera ven chose merueilleuse au ciel: l'Air n'en sera trop bon.

Premier quartier sera le Mardy quinziésme iour à cinq heures du matin au 23. degré du signe de Cancer, féminin, septétrional & mobile, de la nature de l'Eau, flegmatique, & de saueur salée. Qui no^o signifie, avec la planette de Luna, estre le temps plus enclin à froidure, nebulosité, obscurité & temperé d'heure en autre, avec frimats. La paix sera conuertie en quelque estrange guerre inacoustumée. Serōt de grands cas descou-

uers, ceux qui par les communs seront presentez ne seront agreables aux rares, ny aux plus vieux: mais à la plus part leur sera force de passer par là.

Pleine lune sera le mardy vingt-deuxiesme iour à huit heures 50. mi. du matin, au 0. degré du signe de Scorpi^o, feminin, septentrional & fixe, de la nature de l'eau, flegmatique, & de saueur salée. Qui nous signifie, avec la planette de Mars, auoir le temps plus enclin à pluyes, & maleuolé, tempestatif, chault, & en humidité bruineux. Le nouueau esleu contrariera à ce que auoit esté fait a ia long temps.

Dernier quartier sera le mercredy trentiesme iour à neuf heures du matin, au 9. degré du signe d'Aquarius, masculin, occidental & fixe, de la nature de l'air, sanguin & de saueur douce. Qui nous signifie, avec la planette de Saturne, estre le temps plus enclin à vêts, froid, & secheresse pondereuse & maleuole. Les maladies seront rares & de grand danger, apparoissant signes pestilentz.

MAY,

a xxxj. iour, Et la Lune xxx.

Il commence le Ieudy,

Le iour à xvi. heures, & la nuit viii.

Cloris la belle & son Zephyre

Escloront de nostre grand' mere

Soubz les faueurs de la Cytère

Ce que moins vn chaos desire.

Nouuelle lune, sera le Ieudy huitiesme iour à huit heures 41. minute du soir au 21. degré

du signe de Taurus, féminin, meridional & fixe, de la nature de la terre, melencholique, & de saueur aigre. Qui nous signifie, avec la planette de Venus, auoir le tēps plus enclin à froidure & humidité, sec & pluui- eux beneuole. Le feu allumé en vne part le cuidant esteindre s'allumera en sept autres parts. & croistra tellement iceluy feu, que l'on sera contrainct le laisser, pour estre le plus sublime element de tous les autres.

Premier quartier sera le leudy quinziesme iour à vne heure du soir, au 2. degré du signe de Virgo, féminin, meridional & commun, de la nature de la terre, melencholique, & de saueur aigre, Qui nous signifie, avec la planette de Mercure, estre le temps plus enclin à temperature, obscurité, muable, vents & humide. Femmes seront en instance volées, changées : mais à la parfin l'issue en sera triste & desolée, & sera faicte vne incredible desolation.

Pleine Lune sera le leudy vingt-deuxiesme iour à dix heures 4. minutes du soir, au 5. degré du signe de Sagittarius, masculin, oriental & commun, de la nature du feu, de cholere aduste, & de saueur amere. Qui nous signifie, avec la planette de Iupiter, auoir le temps plus enclin à vents & humide, & quelque peu beau en chaleur. Les maladies pestilentes seront en plus forte apparence, Prions Dieu qu'il nous vueille tenir en sa garde, & preseruer de pestilence. Amen.

Dernier quartier sera le Vēdredy trentiesme iour à vne heure du matin, au 11. degré du signe de Pisces, féminin, septentrional & commun, de la nature de l'eau, flegmatique, & de saueur salée, Qui nous signi-
fic,

fi, avec la planette de Iupiter, estre le temps plus enclin à secheresse & bruines le matin, & pluyes par aucuns iours, avec chaleur. Supreme resiouissance de nouvelles alliances pleines, ne demonstrant que secretes factions ciuiles qui voudra maintenir l'vn, qui maintiendra l'autre.

IVIN,

a xxx. iours, et la Lune xxix.

Il commence le Dmianche.

Le iour a xviiij. heures, & la nuit six.

*Et la mere de Proserpine
Monstrant ses herissez cheueux,
D'vne faueur douce & benigne
Benigne respond à noz vœux.*

Nouuelle Lune sera le Vendredy sixiesme iour à sept heures 15. minutes du matin, au 14. degré du signe de Gemini, masculin, occidental & cõmun, de la nature de l'air, sanguin, & de faueur douce. Qui nous signifie, avec la planette de Mercure, auoir le temps plus enclin à secheresse & vents, temperé, & aucuns iours muable. Seront contrarietez de fieures tierces & de peu de durée, avec sueur & sang du nez, Les plus aagez de fieures continue, de mal de gorge, squinance, avec tumeur & rougeur au col.

Premier quartier, sera le Vendredy treziesme iour à huit heures du soir, au 26. degré du signe de Virgo, feminin, meridional & cõmun, de la nature de la terre melancholique, & de faueur aigre. Qui nous signifie,

avec la planette de Mercure, estre le temps plus enclin à temperature, obscurité, muable, vents & humide. Ceux du sacré Palais trouueront quelque hault fait pour la religion. Dieu vueille qu'il vienne pour bien.

Pleine Lune sera le Vendredy vingtiesme iour à vnze heures 23. minutes du matin, au 26. degré du signe de Sagittarius, masculin, oriental & cōmun, de la nature du feu, de cholere aduste, & de saueur amere. Qui nous signifie, avec la planette de Iupiter, auoir le tēps plus enclin à vents, humide, & quelque peu beau en chaleur, & tonnoirre. Ceux qu'on eust cuidé qu'ils eussent tenu vn grand party, auront tenu vn autre, & encore la gent non contente, fera comme les Ranes.

Dernier quartier sera le Dimãche vingt-neufiesme iour à quatre heures du soir, au 14. degré du signe de Aries, oriētal, masculin & mobile, de la nature du feu, de cholere aduste, & de saueur amere. Qui nous signifie, avec la planette de Mars, estre le temps plus enclin à tēperature & muable, chauld & sec, & de mauuaise tempeste. Les lettres leuës comme au Senant pour decider les differens, ce que iadis estoit appellé Capitaine n'y voudra entendre, & ne s'accomplissant icy fera son estendue plus ample.

IVILLET,

a xxxi. iours, & la Lune xxx.

Il commence le Mardy.

Le iour a seize heures, & la nuit huit.

Le feu d'une torche etherée

Dardera ses ardans flambeaux,

Et Vesta par trop alterée

Réera baillant apres les eaux.

Nouuelle Lune sera le Dimanche sixiesme iour à douze heures 0. minute du matin, au 22. degré du signe de Cancer, féminin, septentrional & mobile, de la nature de l'eau, flegmatique, & de saueur douce. Qui nous signifie, avec la planette de Luna, auoir le temps plus enclin à froidure, nebulosité, obscurité, & temperé d'heure en autre, avec frimatz. Se feront mariages innumerables, qui redonderont à vne supreme & longue paix, tranquillité & concorde: Mais les plus grands s'en abstiendront, que la fin sera miserable.

Premier quartier sera le Dimanche treziesme iour à quatre heures du matin, au 3. degré du signe de Scorpis, féminin, septentrional & fixe, de la nature de l'eau flegmatique, & de saueur salée. Qui no^o signifie, avec la planette de Mars, estre le temps plus enclin à vents & obscurité, chauld, tempere & couuert, pluuieux, avec vent beneuole. Il ne paruiendra à ce qu'il pretendoit, Les nouvelles qu'on apportera de la mort & de la vie, ne seront ne veritables ne mensongeres.

Pleine Lune sera le Dimanche vingtiesme iour à deux heures 38. minutes du matin, au 29. degré du signe de Capricorn^o, féminin, meridional & mobile, de la nature de la terre, melancholique, & de saueur aigre. Qui nous signifie, avec la planette de Saturne, auoir le tēps plus enclin à humidité, avec bruines froides, & secheresse. La pestilence de la grand' Cité sera

passée, non de maladie, & retourneront la plus part dedans, sera vne partie le tout pacifié.

Le dernier quartier sera le Lundy vingthuitiesme iour à vnze heures du soir, au 5. degré du signe de Taurus, feminin, meridional & fixe, de la nature de la terre, melancholique, & de saueur aigre. Qui nous signifie, avec la planette de Venus, estre le temps plus enclin à humidité, sec & pluuieux, beneuole. Aux regnes aucuns aspireront par la promesse d'vn, au faict de la hierarchie, les obtiendra, & sera quelque peu changé l'estat de la religion Chrestienue.

A O V S T.

a xxxj. iours, Et la Lune xxx.

Il commence le Vendredy.

Le iour a dix heures, & la nuit xiiij.

Pauvreté viendra d'abondance,

La maladie de santé:

Le bien le boy feront nuysance

A celuy qui n'est contenté.

NOuuelle Lune, sera le Lundy quatriesme iour à dix heures 50. minutes du soir, au 16. degré du signe de Leo, masculin, oriental & fixe, de la nature du feu de cholere aduste, & de saueur amere. Qui nous signifie, avec la planette de Sol, auoir le temps plus enclin à temperature, sec & chaud, beneuole, par fois humide, avec beau temps. Les maladies ne furent oncq' plus furieuses, n'en plus extreme danger, hors mis que le grad, mis en desespoir, de plusieurs parui-

endra en pleine conualescence, & les autres passeront le pas.

Le premier quartier, sera le Lundy vnziésme iour à cinq heures du soir, au 24. degré du signe de Scorpius, féminin, septentrional & fixe, de la nature de l'eau, flegmatique, & de saueur salee. Qui nous signifie, avec la planette de Mars, estre le temps plus enclin à pluies & maleuole, tempestatif, chaud, sec & en humidité bruineux Generation de sieures, alienation d'entendement, seront plusieurs par telle fureur & rage, qu'ilz se precipiteront de hault en bas, mesmes ne defailliront qu'ilz se submergeront par fureur dans fleuves & puitz.

La pleine Lune, sera le Mardy dixneuviésme iour à quatre heures 48-minutes du soir, au 1. degré du signe de Pisces, féminin, septentrional & commun, de la nature de l'eau flegmatique, & de saueur salée. Qui nous signifie, avec la planette de Iupiter, auoir le tēps plus enclin à secheresse avec bruines le matin, & pluies par aucūs iours, avec chaleur & tonnoirre, Les furnoms de Chrestien & Catholique ne defailliront iamais, la plus part de la religion Chrestienne sera pacifiée amiablement.

Le dernier quartier, sera le Mercredy vingtseptiésme iour à deux heures du soir, au 12. degré du signe de Gemini, masculin, occidental & commun, de la nature de l'air, sanguin, & de saueur douce. Qui nous signifie, avec la planette de Mercure, estre le temps plus enclin à secheresse & vents, temperé & aucuns iours muable. Il se fera de factions fort grandes, qui redonde

ront à quelque hault fait par les plus grands Capitaines, & par les plus haultz Ecclesiastiques, & par grâds faitz. Que Dieu le reduise à bonne perfection, & tranquillité du peuple.

SEPTEMBRE,

a xxx. iours, Et la Lune xxix.

Il commence le Lundy.

Le iour a douze heures, & la nuit xij.

*Silene sus son a sine courbe
Se Peint la face d'ambrosie,
Et dedans vne espesse bourbe
De moust noye sa fantasia.*

Nouuelle Lune sera le Mardy deuxiesme iour à neuf heures 7. minutes du matin, au 9. degré du signe de Virgo, féminin, meridional & cōmun, de la nature de la terre, melancholique, & de faueur aigre. Qui nous signifie, avec la planette de Mercure, auoir le temps plus enclin à temperature, obscurité, muable, vents & humide. Les maladies seront grâdes, longues, mauuaises, & de tresmauuais effect, & quelques vns des plus grands deffailiront, & que deuers la fin de l'Année precedente auront deffailly.

Premier quartier sera le Mardy neufiesme iour à neuf heures du matin, au 15. degré du signe de Sagittarius, masculin, oriental & commun, de la nature du feu, de cholere aduste, & de faueur amere. Qui nous signifie, avec la planette de Iupiter, estre le temps plus enclin à vents & humide, & quelque peu beau en cha-

leur, avec tonnoirre. Celuy qu'on tenoit le plus seur, fera du tout euanouy, tant aura on crié & souhaité la venue de Noël.

Pleine Lune sera le Mercredy dix-septiesme iour à dix heures 54. minutes du matin, au 22. degré du signe de Pisces, feminin, septentrional & commun, de la nature de l'eau, flegmatique, & de saueur salée. Qui no^o signifie, avec la planette de Iupiter, auoir le temps pl^o enclin à secheresse, avec bruines le matin & pluyes par aucuns iours, avec chaleur & tonnoirre. Neptunaulx s'emerveilleront des vndes marines, ainsi nō du tout pacifiées. Les ennemis amis souuent veuz t'accepteront le fait immortal de la republique, & de ce que ils auront plus particularisé.

Le dernier quartier, sera le Ieudy vingt-cinquiésme iour à neuf heures du soir, au 6. degré du signe de Cācer, feminin, septentrional & mobile, de la nature de l'eau, flegmatique, & de saueur salée. Qui nous signifie, avec la planette de Luna, estre le temps plus enclin à froidure, nebulosité, obscurité & temperé d'heure en autre, avec frimat. Quelque grand cas par adulte-re sera fait, & s'ensuyura l'empoisonnement par diuers sexes & dissolution miserable. Dieu sur tout.

OCTOBRE,

a xxxi. iour, Et la Lune xxx.

Il commence le Mercredy.

Le iour à dix heures, & la nuit xiiii.

L'aigle volant en la nue

*Pour vouloir dresser plus hault
Son pennage qu'il ne fault
Perdra sa course cognue.*

Nous disons ce present mois estre Embolisme, par-ce qu'il a deux nouvelles lunes dans iceluy, qui est la cause que nous nommons l'An Embolismal, la premiere nouvelle Lune de ce mois, sera le leudy deuxiesme iour à douze heures 27. minutes du matin au 18. degré du signe de Libra, masculin, occidental & mobile, de la nature de l'air, sanguin, & de saueur douce. Qui nous signifie, avec la planete de Venus, auoir le temps plus enclin à vents & obscurité, tēperé & couuert, froid & pluuieux. Je trouue à cause de l'Eclipse qu'il se fera quelque hault & sublime fait auant que l'Année soit passée,

Le premier quartier, sera le leudy neufiesme iour à quatre heures du matin au 18. degté du signe de Capricornus, feminin, meridional & mobile, de la nature de la terre melancholique, & de saueur aigre. Qui nous signifie, avec la planete de Saturne, estre le tēps plus enclin à froidure & humidité, avec bruines & secheresse. Les pannonz alliez avec la plus grand'part de la germanie se raliert ensemble pour resister à l'impetuosité des Barbares.

La pleine Lune, avec Eclipse d'icelle, sera le Vēdre dy dixseptiesme iour à vne heure 42. minutes du matin, au 26. degré du signe d'Aries, oriental, masculin & mobile, de la nature du feu de cholere aduste, & de saueur amere. Qui nous signifie, avec la planette de Mars,

Mars, auoir le temps plus enclin à temperature & muable, sec & de mauuaise tempeste, icelle eclipse no^o fait dire qu'auant ses effectz estainctz aduenir diuerses maladies, & esmouuoir cōtentions, noises, debatz & nouueaux proces entre les moyens.

Dernier quartier, sera le Vendredy vingt-quatriefme iour à six heures du matin au 1. degré du signe de Leo, masculin, oriental & fixe, de la nature du feu, de cholere aduste, & de saueur amere. Qui nous signifie avec la planette de Sol, estre le temps pl^o enclin à temperature, sec, par fois humide avec beau temps. Le pais de 48. sera vn peu expolié de l'antique frequentaion, sera dōné congé à aucuns soy retirer qui n'apparoistront d'vn long temps.

La seconde nouuelle lune de ce mois, sera le Vendredy xxxi. iour à vne heure 51. minute du matin, au 10. degré du signe de Scorpius, feminin, septentrional & fixe, de la nature de l'eau, flegmatique, & de saueur salée. Qui nous signifie, avec la planette de Mars, auoir le temps plus enclin à playes & maleuole (toutefois de nature sec & chaud) tempestatif et en humidité bruineux. Sera faicte quelque grande reformation à l'Eglise pour la religiō Chrestienne. Que Dieu vueil le que le tout soit à sa digne louange.

NOVEMBRE,

à xxxj. iour, Et la Lune xxx.

Il commence le Samedy.

Le iour à huit heures, & la nuit seize.

La fureur d'vn dragon leger

*Reployant son aſle vague
Oſte l'eſquif du grand danger
Qui ſe traine ſur la vague.*

P Remier quartier ſera le Samedi huitieſme iour à douze heures du ſoir, au 19. degré du ſigne de Aquarius, maſculin, occidental & fixe, de la nature de l'air, ſanguin & de ſaveur douce. Qui nous ſignifie, avec la planette de Saturne, eſtre le temps plus enclin à vents, froid & ſechereſſe ponderuſe & maleuole, engendrant neiges. Lon delaiſſera la plus part des couleurs inacoſtumées, & ſera apres la mort immortalifé par Neroniane tyrannie, l'eleu tiendra de Peau tiede & bien attrempée.

Pleine Lune ſera le Dimanche feizieſme iour à trois heures 43. minutes du ſoir, au 1. degré du ſigne de Gemini, maſculin, occidental & commun, de la nature de l'air, ſanguin & de ſaveur douce. Qui nous ſignifie, avec la planette de Mercure, auoir le temps plus enclin à ſechereſſe & vent froid, de nature temperée & aucuns iours muables. Rebellions & diuerſitez de ligueſ, & bien profondement que ce ne paſſe ſans grandifſime tumulte ciuile, & quelques ſecretes conſpirations.

Dernier quartier ſera le Dimanche vingttroiſieſme iour à trois heures du matin, au 11. degré du ſigne de Virgo, feminin, meridional & commun de la nature de la terre, melancholique, & de ſaveur aigre. Qui nous ſignifie, avec la planette de Mars, eſtre le temps plus enclin à temperature, ſec & vent froid, par fois humide, avec beau temps. Pluſieurs infirmitéz melan-

choliques, fieures quâtes, fieures longues, plusieurs auront la couleur cadauereuse que homme vit onq' jamais.

Nouvelle Lune sera le Dimanche trentiesme iour à deux heures 28. minutes du soir, au 16. degré du signe de Sagittarius, masculin, oriental & commun, de la nature du feu, de cholere aduste, & de saueur amere. Qui nous signifie, avec la planette de Iupiter, auoir le temps plus enclin à vents, froid & humide, & quelque peu beau en chaleur, engendrant tonnoire. Es cours Royales & antiques sera faicte resiouissance grande, tellement qu'il ne se parlera que d'allegresse & nouveaux mariages, hors mis d'vn.

DECEMBRE.

a xxxj. iour, Et la Lune xxx.

Il commence le Lundy.

Le iour a six heures, & la nuit dixhuiet

*Heureux celuy qui peut dire
Que Pan le voit de bon œil
Car la Lune qu'on voit luire
Traine plusieurs au cercueil.*

Premier quartier sera le Lundy huitiesme iour à sept heures du soir, au 22. degré du signe de Pisces, feminin, septentrional & commun, de la nature de l'eau, flegmatique & de saueur salée. Qui no^o signifie, avec la planette de Iupiter, estre le temps plus enclin à secheresse, bruines, froid, & pluyes par aucuns iours, avec chaleur causant tōnoirres. Abondāce

de reumes & catherres, mal de costé, douleur de iointures, & autres maladies de froideur & humiditez.

Pleine Lune sera le Lundy quinziésme iour à quatre heures 23. minutes de matin, au 24. degré du signe de Gemini, masculin, occidental & commun, de la nature de l'air, sanguin & de saueur douce. Qui nous signifie, avec la planette de Mercure, auoir le temps plus enclin à sec, froid & vents, de nature temperée: aucuns iours muable. Plusieurs illustres & heroïques assemblées, cōiunctions & alliâces se parfaït


Dernier quartier sera le Lundy vingt-deuxiésme iour à quatre heures du soir, au 9. degré du signe de Libra, masculin, occidental & mobile, de la nature de l'air, sanguin & de saueur douce. Qui nous signifie, avec la planette de Venus, estre le temps plus enclin à vents & obscurité, temperé & couuert, froidure en humidité. La mort inopinée d'aucuns plus apparens & mediocremēt aagez, ne sera sãs grãdissime trouble.

Nouvelle Lune sera le Lundy vingt-neufiésme iour à dix heures 7. minutes du matin, au 8. degré du signe de Capricornus, feminin, meridional & mobile, de la nature de la terre, melancholique & de saueur aigre. Qui nous signifie, avec la planette de Saturne, auoir le tēps plus enclin à froidure & humidité seche bruines & gelée. Nous eleuerons le cœur à Dieu, afin qu'il luy plaise de nous donner la grace de pouuoir passer ceste Année en santé, amour, & charité, vnion, & cōcorde enuers les Princes, & aux humains soulagement, à moy me donner la grace de passer l'année sans calomnie.

DES ECLIPSES DE CESTE
Année 1567. An Embolismat.


Et premierement.

¶ *De l'Eclipse de Soleil.*



NOUS trouuons qu'il
apparoistra vne grande
Eclipse de Soleil le mer-
credy neufiesme iour
d'Auril à vnze heures 4. minutes du
matin, au signe d'Aries, Oriental: avec
la planette de Mars, & aura sa demeure
en profondes tenebres vne heure 26.
minutes, les significations d'icelle ont
esté cy deuant (par quelques Ans) assez
declarée, par nos Predictions, ou reue-
lations & Presages, qui me faiçt taire
quant à present: icelle Eclipse se pourra
apparoistre en vn autre climat & con-
trée dès le huitiesme iour dudiçt mois
Et dans le iour de l'apparition d'icelle
fera veu chose merueillable au ciel,
Dieu sur tout.

¶ *De l'Eclipse de Lune.*



Il sera vne autre Eclipse de Lune, le Vendredy xvij. iour d'Octobre enuiron les deux heures du matin, 41. minute, au 26. degré du signe d'Aries, Oriental: avec la planette Mars, & durera trois heures ou enuiron, vn peu couuerte, Qui nous signifie estre de petite importance, pour-ce qu'vne petite portion du corps de la Lune, sera offusquée, Dieu vueille qu'ainsi soit.

AU LECTEUR SALUT.

Lecteur si nostre nature tenoit tant du ciel que la part que nous tirons des Elemētz ne peust causer en la composition de nostre corps la corruption qui nous est si naturelle, que comme disent les philosophes les mieux après, puis que nous sommes nez il nous fault mourir. Nous n'auriōs pas si souuent occasion de regretter les pertes que nous faisons des hōmes pour le profit que la communauté en

peut tirer, ce q̄ ie dis pour ta duertir du regret
qu'un chascun doit auoir de la mort de
maistre Michel de nostre Dame, de Salon
de Craux en Prouence cōseiller & medecin
ordinaire du Roy nostre naturel Seigneur.
de bonne & heureuse, memoire, lequel de-
puis quelque iours en ca est passé de vie à
l'autre, & a payé le tribut à nature, lequel
toute creature doit, en quoy certainement
pour l'obligatiō qu'un chascun peut auoir à
luy pour se resentir du bien qu'on peut auoir
receu de luy, & du fruit de son bon esprit &
sciences, ie croy qu'il peut & doit estre plaint
des personnes qui ont quelque sentimen-
d'honneur, & que Mercure a regardé de
bon œil: de ma part outre l'obligatiō cōmune,
i'en ay vne particuliere d'amytié, comme
l'ayant aymé & suiui de long temps, & la
frequentation duquel a enté en moy, com-
me en un fruit sauuage, la cognoissance des
Mathematiques & principalement, d'A-
strologie qui m'a esté occasiō que depuis qua-

tre ou cinq ans pour ne vouloir reserrer la
moisson que i'auoyz faiete en son champ, sui-
uant à plus pres ses pas & sa trace, I ay fait
veoir quelques Almanachz, predictions, pro-
gnostications & presages, soubz le nom de
Mi. de Nostradamus, les calculantz à la
mesme balance qu'il a fait autres foys, &
tenant tousiours la veue sur les plus suffi-
santz docteurs: comme Ptolomé, Albuma-
zar, Omar, Guido, Bonatus, Alcabitius &
autres qui se sont bien experimentez en ses
demonstrations. Ayant bien bonne assuran-
ce que me tenant à ses metz pour ne suiure
l'imaginatiue de plusieurs abuseurs: que de
la plus seine & meilleure partie il seront re-
ceuz & authorisez pour auoir quelque lieu,
Et ou ie scauray qu'ilz ne seront fraudez de
leur merite, ce me sera occasiō & courage de
prester d'orenauant ma peine plus volunti-
ers à la faueur que tu leur feras. C'est pour
quoy ie te veux supplier de les prēdre d'aus-
si bon cœur comme ie te le presente. 1567.